

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE
-Stručna služba Općinskog
vijeća i Općinskog načelnika-



Broj: 01-124/10
Vareš, 05.05. 2010. godine

Z A P I S N I K
s 18. sjednice Općinskog vijeća Vareš,
održane 05.05. 2010. godine

Milan Knežević – zamjenik predsjedavajućeg Općinskog vijeća Vareš, otvorio je 18. sjednicu s početkom u 9 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Dženana Bešić, Tajiba Brkić, Dženana Hafizović, Izudin Ibrišimović, Kenan Kamenjaš, Džemo Kevrić, Milan Knežević, Jelena Kuhač-Odenwald, Ešref Likić, Ivan Lučić, Josip Malbašić, Željko Matić, Mario Mirčić, Majda Muftić, Mato Pavić, Elvir Rožajac, Jasmin Salketić, Dragan Sekulić, Nikola Šimić i Jelena Zlobec.

Pored vijećnika sjednici prisustvuju: općinski načelnik Hamdo Fatić, sekretar Općinskog vijeća Leon Pavlović, pomoćnici općinskog načelnika, predsjednici političkih stranaka, te predstavnik investitora gospodin Džafić Salih.

Sekretar Općinskog vijeća izvijestio je Vijeće o realizaciji Zaključaka s prošle sjednice Vijeća i dostavljenim odgovorima na vijećnička pitanja. OV je donijelo 12 zaključaka, od tog broja 6 zaključaka je realizovano, 4 zaključka su u toku realizacije, a za 2 zaključka Služba nije upoznata za njihovu realizaciju. Od postavljenih 13 vijećničkih pitanja, nadležni u općini su dali pismeno odgovore na sva postavljena vijećnička pitanja.

Općinski načelnik Hamdo Fatić u okviru aktuelne problematike na području općine Vareš izvijestio je Vijeće da je april mjesec finansijski mnogo loše prošao. Od indirektnih poreza nisu dobivena sredstva, od Kantona je bilo vrlo malo sredstava, tako da u aprilu mjesecu nisu uplaćeni doprinosi za mart mjesec. Takođe je izvijestio Općinsko vijeće da je dio lokalnih makadamskih puteva sanirano i da će se nastaviti u granicama finansijskih mogućnosti sanacija svih lokalnih puteva na području Općine Vareš.

(Vijećnička pitanja)

Elvir Rožajac

Podsjetio je da je i ranije postavljao pitanja na koja nije dobio odgovor i ponovno postavlja pitanja.

1. Šta je sa obilježavanjem znakova na saobraćajnicama za Mjesne zajednice, trebalo je da se to uradi do maja?
2. Da li će se konačno dovršiti Šehidska česma u Ravnama i koliko treba čekati da se minimalna sredstva ulože da se ne sruši ono malo što je izgrađeno od strane mještana?

Ismet Abdulahović

Nezadovoljan je odgovorom koji je dobio, napominje da je pitanje bilo upućeno Federalnom ministarstvu obrazovanja, a ne direktoru škole u Vareš Majdanu

3. Šta je sa Zaključkom koji je donesen na zadnjoj sjednici OV za obilježavanje praznika 1. marta – Dana nezavisnosti BiH i 25. novembra – Dana državnosti BiH?

Tajiba Brkić

4. Traži od općinskog načelnika da se završe radovi na vodovodu Budoželje, djelimično ima vode, kako bi ostalo stanovništvo moglo da se snabdjeva sa vodom.
5. Kad možete napraviti tematsku sjednicu na temu zapošljavanja?

Jelena Zlobec

Nije zadovoljna sa odgovorom koji je dobila na pitanja postavljena na 17. sjednici OV.

6. Traži od općinskog načelnika, pošto se u Vareš Majdanu popravljaju stepeništa, da se popravi i drugi dio stepeništa, a ako ništa neka to bude u programu.

Džemo Kevrić

Podsjetio je na pitanja koja je postavio na 16. sjednici OV na koja nije dobio odgovor. Nije zadovoljan odgovorom na pitanje koje je postavio na 17. sjednici.

7. Traži od općinskog načelnika da se riješi problem prostorija u kojima bi Klub BPS mogao normalno da djeluje i radi?

Ivan Lučić

Napomenuo je da nisu izvršeni određeni Zaključci i podsjetio na svoje Inicijative:

- Inicijativa za izmjenu Zakona o građenju,
- Odluka o zabrani saobraćaja ispred bivše banke ABS,
- Inicijativa o postavljanju oglasnih tabli.

Jasmin Salketić

8. Rat je završen, postoji li mogućnost da se uradi nešto na potezu Pajtov Han – Vareš Majdan, da se uklone ružne slike?

Nikola Šimić

9. Tko upravlja i tko dozvoljava prodavačima da subotom montiraju svoje štandove na zelenim površinama i u prostoru gradskog parka ispred OŠ Vareš? Traži da nadležne službe riješe ovaj problem.
10. Traži od načelnika da se sanira lokalni put za Borovicu i Dubošticu.

Dženana Bešić

11. Traži da nadležne službe u Općini Vareš za narednih 15 dana, dostave spisak svih MZ koje imaju mjesne vodovode sa prijedlogom podataka: tko je vlasnik svakog mjesnog vodovoda, tko upravlja tim mjesnim vodovodom i status vlasnika po kojoj zakonskoj regulativi je postavljen?

Majda Muftić

12. Traži od načelnika da se malo opširnije i preciznije odgovori šta će se uraditi na dijelu puta od Lovačkog Doma do Očevije?
13. Zašto nisu isplaćene zaradene plaće porodicama preminulih radnica JU «Dječiji vrtić Vareš», pok. Ivanka Pavlović i pok. Mirjana Idžaković?

Predsjedavajući OV Josip Malbašić je preuzeo vođenje sjednice OV.

Nakon vijećničkih pitanja na raspravu je stavljen zapisnik s 17. sjednice Općinskog vijeća.

Nije bilo primjedbi i predsjedavajući je stavio na izjašnjavanje zapisnik, a nakon izjašnjavanja vijećnika konstatovao da je **jednoglasno usvojen zapisnik s 17. sjednice Općinskog vijeća Vareš.**

Na raspravu je stavljen prijedlog dnevnog reda iz poziva za sjednicu.

Nije bilo primjedbi i predsjedavajući je stavio na glasanje predloženi dnevni red.

Nakon izjašnjavanja vijećnika konstatuje da je **jednoglasno usvojen s l i j e d e ć i**

Dnevni red

1. **Prijedlog Zaključka o davanju saglasnosti za provođenje postupka koncesije za izgradnju male hidroelektrane „VAREŠ“ na rijeci Stavnja, općina Vareš,**
2. **Prijedlog Zaključka o davanju saglasnosti za provođenje postupka koncesije za izgradnju male hidroelektrane „KULA“ na rijeci Stavnja, općina Vareš,**
3. **Prijedlog Zaključka o davanju saglasnosti za provođenje postupka koncesije za izgradnju male hidroelektrane „HODŽIĆI“ na rijeci Stavnja, općina Vareš,**
4. **Izvješće / Izvještaj o izvršenju proračuna / budžeta Općine Vareš za period I-XII 2009. godine,**
5. **Prijedlog Odluke o komunalnom redu,**
6. **Prijedlog Odluke o vodovodu i kanalizaciji,**
7. **Prijedlog Odluke o standardima komunalnih usluga,**
8. **Prijedlog Odluke o kalkulativnim parametrima,**
9. **Prijedlog Rješenja o davanju saglasnosti Kojić Bošku iz Dabravina o vršenju prometa nedovršenog stambenog objekta sa zemljištem,**
10. **Informacija o zimskom održavanju lokalnih i regionalnih puteva i gradskih ulica,**
11. **Informacija o stanju kulturno-historijskih spomenika i spomen-obilježja u toku rata na području općine Vareš,**
12. **Informacija o radu Općinske izborne komisije,**
13. **T e k u ć a p i t a n j a .**

Predsjedavajući je na izjašnjavanje stavio **prijedlog da se za prve tri tačke vodi zajednička rasprava, a nakon provedene rasprave da se Vijeće izjasni za svaku tačku pojedinačno.**

Prijedlog je **jednoglasno usvojen**.

Općinski načelnik izvijestio je OV da je na današnjoj sjednici, ispred investitora, prisutan gospodin Džafić Salih.

Predsjedavajući OV je u skladu sa Poslovníkom dao na izjašnjanje zaključak **da se gospodinu Džafić Salihu predstavniku investitora po potrebi omogući da učestvuje u radu Vijeća po tačkama Ad 1., Ad 2. i Ad 3.**

Nakon izjašnjanja vijećnika konstatuje da je Zaključak **jednoglasno usvojen**.

Otvorena je rasprava za tačke **Ad. 1.; Ad. 2.i Ad. 3.**, u kojoj su sudjelovali i iznijeli stavove predsjednici klubova i vijećnici: Dženana Bešić, Mario Mirčić, Milan Knežević, Jelena Zlobec, Džemo Kevrić, Elvir Rožajac, Ismet Abdulahović, Mato Pavić, Jelena Kuhač Odenwald, Majda Muftić, Jasmin salketić, Nikola Šimić, predsjedavajući Općinskog vijeća Josip Malbašić, općinski načelnik Hamdo Fatić, pomoćnik načelnika Rusmir Berberović, predsjednik OOSDP Branko Romić, te gospodin Salih Džafić.

Poslije rasprave, gospodin Salih Džafić je dao obrazloženje i odgovore na vijećnička pitanja.

Vijećnik Mario Mirčić je predložio da se u Zaključak ugradi amandman koji bi bio treći stav i koji glasi: « **U svim aktivnostima dodjele koncesije i izrade ugovora aktivno će biti uključena lokalna zajednica, a sve u skladu sa članom 56. Zakona o principima lokalne samouprave. Ukoliko zahtjevi lokalne zajednice ne budu ispoštovani, Zaključak će biti automatski stavljen van snage.**»

Predsjedavajući OV je predložio amandman koji se odnosi na određene popravke preambule, **umjesto «na osnovu člana 1.» u prvom redu treba staviti « na osnovu člana 5.» i navesti u prvom redu «Sl. novine F BiH broj: 40/02 i 61/06 » i obavezno dodati posljednji stav «Ovaj Zaključak stupa na snagu danom donošenja.»**

Zaključena je rasprava i predsjedavajući je pozvao općinskog načelnika kao predlagача da se izjasni o predloženim amandmanima.

Predlagач je prihvatio sve predložene amandmane i oni postaju sastavni dio prijedloga Zaključaka.

Predsjedavajući OV je dao na izjašnjanje pojedinačno sva tri Zaključka i to:

Ad 1.

(Prijedlog Zaključka o davanju saglasnosti za provođenje postupka koncesije za izgradnju male hidroelektrane «VAREŠ» na rijeci Stavnja, Općina Vareš)

Predsjedavajući je konstatovao **da je sa 15 glasova ZA, 5 glasova PROTIV i 1 suzdržanim glasom usvojen**

Zaključak o davanju saglasnosti za provođenje postupka koncesije za izgradnju male hidroelektrane «VAREŠ» na rijeci Stavnja, Općina Vareš

Ad 2.

(Prijedlog Zaključka o davanju saglasnosti za provođenje postupka koncesije za izgradnju male hidroelektrane «KULA» na rijeci Stavnja, Općina Vareš)

Predsjedavajući je konstatovao **da je sa 15 glasova ZA, 5 glasova PROTIV i 1 suzdržanim glasom usvojen**

Zaključak o davanju saglasnosti za provođenje postupka koncesije za izgradnju male hidroelektrane «KULA» na rijeci Stavnja, Općina Vareš

Ad 3.

(Prijedlog Zaključka o davanju saglasnosti za provođenje postupka koncesije za izgradnju male hidroelektrane «HODŽIĆI» na rijeci Stavnja, Općina Vareš)

Predsjedavajući je konstatovao **da je sa 15 glasova ZA, 5 glasova PROTIV i 1 suzdržanim glasom usvojen**

Zaključak o davanju saglasnosti za provođenje postupka koncesije za izgradnju male hidroelektrane «HODŽIĆI» na rijeci Stavnja, Općina Vareš

Ad 4.

(Izvješće/Izveštaj o izvršenju proračuna/budžeta Općine Vareš za period I-XII 2009. godinu)

Komisija za gospodarstvo, financije i proračun razmatrala je Izvješće/Izveštaj o izvršenju proračuna/budžeta Općine Vareš za period I-XII 2009. godinu i većinom glasova (4 PROTIV i 1 glasom ZA) nije prihvatila Izveštaj.

Komisija je jednoglasno donijela slijedeće Zaključke:

1. Sugerirše se Općinskom načelniku da za slijedeću sjednicu Općinskog vijeća, uz Izveštaj dostavi Informaciju kao prilog sa tačno utvrđenim podacima o potraživanjima i dugovanjima Općine.
2. Komisija smatra da i Općinsko vijeće, kao predstavničko tijelo, preuzme svoje obaveze i odgovornosti u izvršavanju Proračuna Općine Vareš za 2009. godinu.

Boro Anđić – ispred Službe za gospodarstvo i financije, obrazložio je Izveštaj.

Otvorena je rasprava u kojoj su svoje primjedbe i sugestije iznijeli vijećnici: Džemo Kevrić, Ivan Lučić i općinski načelnik Hamdo Fatić.

Vijećnik Ivan Lučić je predložio **da se u Izveštaj o izvršenju budžeta ugrade podaci vezano za Rješenja koja se donose i gdje se ostvaruju prihodi po osnovu propisa Općine Vareš.**

Ovlašteni predlagač – općinski načelnik izjasnio se da povlači Izveštaj.

Na temelju provedene rasprave, predsjedavajući je stavio na glasanje **prijedlog predlagača da se povuče Izveštaj o izvršenju proračuna za 2009. godinu i da ga u cijelosti u skladu sa Zaključcima Komisije i zahtjevima vijećnika Ivana Lučića, pripremi za narednu sjednicu.**

Zaključak je sa 14 glasova ZA i 5 SUZDRŽANIH glasova usvojen.

Ad 5.

(Prijedlog Odluke o komunalnom redu)

Otvorena je rasprava u kojoj su učestvovali vijećnik Ivan Lučić, predsjedavajući OV Josip Malbašić i Ermin Musa ispred predlagača.

Ermin Musa, ispred predlagača Odluke, prihvatio je amandmane vijećnika Ivana Lučića:

1. da se u članu 53. u stavu 1. iza «1. aprila», doda «na mjestima koje odredi komunalni inspektor ili eko policija.»
2. da se u članu 127. tačka 10. doda na kraju «ili ih odloži van prostora koji odredi komunalni inspektor ili eko policija.»

Na izjašnjavanje je stavljen Prijedlog Odluke sa prihvaćenim amandmanima.

Nakon izjašnjavanja vijećnika konstatovano je da **je jednoglasno usvojena**

Odluka o komunalnom redu

Ad 6.

(Prijedlog Odluke o vodovodu i kanalizaciji)

Otvorena je rasprava u kojoj su učestvovali vijećnici Ivan Lučić i Jasmin Salketić.

Ermin Musa, ispred predlagača nije prihvatio amandman Kluba vijećnika SDP.

Na izjašnjavanje je stavljen amandman Kluba vijećnika SDP, **da se u Odluci o vodovodu i kanalizaciji u članu 23. briše stav 4..**

Većinom glasova, **16 glasova ZA i 3 SUZDRŽANA glasa prihvaćen je amandman Kluba vijećnika SDP, te je time postao sastavni dio Prijedloga Odluke o vodovodu i kanalizaciji.**

Na izjašnjavanje je stavljen Prijedlog Odluke o vodovodu i kanalizaciji.

Nakon izjašnjavanja vijećnika konstatovano je da je većinom glasova, **17 glasova ZA i 3 glasa SUZDRŽANA usvojena**

Odluka o vodovodu i kanalizaciji

Ad 7.

(Prijedlog Odluke o standardima komunalnih usluga)

Nije bilo rasprave po ovoj tački i predsjedavajući je na izjašnjavanje stavio Prijedlog Odluke o standardima komunalnih usluga.

Nakon izjašnjavanja vijećnika konstatovano je **da je jednoglasno usvojena**

Odluka o standardima komunalnih usluga

Ad 8.

(Prijedlog Odluke o kalkulativnim parametrima)

Nije bilo rasprave po ovoj tački i predsjedavajući je na izjašnjavanje stavio Prijedlog Odluke o kalkulativnim parametrima.

Nakon izjašnjavanja vijećnika konstatovano je **da je jednoglasno usvojena**

Odluka o kalkulativnim parametrima

Ad 9.

*(Prijedlog Rješenja o davanju saglasnosti Kojić Bošku iz Dabravina
o vršenju prometa nedovršenog stambenog objekta sa zemljištem)*

Nije bilo rasprave po ovoj tački i predsjedavajući je na izjašnjavanje stavio predloženo Rješenje.

Nakon izjašnjavanja vijećnika konstatovano je **da je jednoglasno usvojeno**

***Rješenje o davanju saglasnosti Kojić Bošku iz Dabravina
o vršenju prometa nedovršenog stambenog objekta sa zemljištem***

Ad 10.

(Informacija o zimskom održavanju lokalnih i regionalnih puteva i gradskih ulica)

Otvorena je rasprava u kojoj su učestvovali vijećnici: Džemo Kevrić, Dženana Bešić, Elvir Rožajac, Ivan Lučić, Tajiba Brkić, Željko Matić, predsjedavajući OV Josip Malbašić i općinski načelnik Hamdo Fatić.

Predsjedavajući je na izjašnjavanje stavio Informaciju uz **Zaključak da Općinski načelnik vodi računa o obavezama proisteklim iz Zakona o cestama kad je u pitanju izrada Strategije održavanja lokalne putne mreže, kad je u pitanju izrada srednjoročnih i godišnjih planova i svega ostalog što je naloženo odredbama Zakona o cestama.**

Nakon izjašnjavanja vijećnika konstatovano je **da je sa 19 glasova ZA i 1 SUZDRŽANIM glasom prihvaćen predloženi Zaključak i usvojena**

Informacija o zimskom održavanju lokalnih i regionalnih puteva i gradskih ulica

Ad 11.

(Informacija o stanju kulturno-historijskih spomenika i spomen-obilježja u toku rata na području Općine Vareš)

Otvorena je rasprava u kojoj su učestvovali vijećnici: Elvir Rožajac, Ismet Abdulahović, Nikola Šimić, Milan Knežević i pom.načelnika Rusmir Berberović.

Predsjedavajući je na izjašnjavanje stavio Informaciju i Prijedlog **da se u roku od 60 dana izvrši uvid na terenu, snimi stanje svih spomenika, spomen-obilježja i potom pripremi prijedlog eventualne sanacije i popravke oštećenih spomenika i spomen-obilježja u skladu sa raspoloživim sredstvima.**

Nakon izjašnjavanja vijećnika konstatovano je **da je jednoglasno usvojen predloženi Zaključak i**

Informacija o stanju kulturno-historijskih spomenika i spomen obilježja u toku rata na području Općine Vareš

Ad 12.

(Informacija o radu Općinske izborne komisije)

Otvorena je rasprava u kojoj su učestvovali vijećnici: Dženana Bešić, Ivan Lučić i predsjedavajući OV Josip Malbašić.

Nakon izjašnjavanja vijećnika konstatovano je **da je jednoglasno usvojena**

Informacija o radu Općinske izborne komisije

Ad 13.

(Tekuća pitanja)

1. Na osnovu Zaključka OV broj: 01-253/09 od 12.11. 2009. godine, donesenog povodom Zahtjeva Udruženja penzionera Općine Vareš za liječenje u Kliničkom centru Sarajevo, koji je upućen Skupštini ZE-DO kantona, dobivena je Obavijest od komisije za ravnopravnost spolova, ljudska prava i građanske slobode.

Predsjedavajući je OV upoznao sa sadržajem Obavijesti i nakon obavljene rasprave u kojoj su sudjelovali vijećnici: Elvir Rožajac, Tajiba Brkić i predsjedavajući OV Josip

Malbašić, predložen je **Zaključak da Nacrt odgovora za narednu sjednicu pripremi Općinski načelnik sa svojim suradnicima.**

Prijedlog je jednoglasno usvojen.

2. Predsjedavajući je upoznao OV o problemu mrtvozorstva na području Općine Vareš. U raspravi o ovoj problematici učestvovali su vijećnici: Tajiba Brkić, Ivan Lučić i predsjedavajući OV Josip Malbašić.

Predložen je Zaključak da se problem mrtvozorstva brzo riješi u skladu sa Zakonom.

Zaključak je jednoglasno usvojen.

3. Vijećnik Ivan Lučić pročitao je podatke iz Izvještaja o radu jedinstvenog općinskog organa uprave i općinskog načelnika, u vezi Rješenja koja se donose po Odlukama OV.

Iznio je problem vjerskih zajednica, u vezi plaćanja naknade za gradsko građevinsko zemljište. Smatra da se Rješenja selektivno donose.

Ermin Musa – ispred predlagača obrazložio je Zakonske odredbe o korištenju građevinskog zemljišta, da niko nije oslobođen plaćanja naknade građevinskog zemljišta.

Vijećnik Ivan Lučić je podsjetio na svoje pitanje, da nadležne Službe u skladu sa članom 8. Poslovnika o radu OV dostave podatke:

-spisak pravnih i fizičkih lica na koja se glase Rješenja o utvrđivanju komunalne naknade i korištenja gradskog građevinskog zemljišta i ostvareni efekti, odnosno uplaćena naknada,

-spisak vlasnika poslovnih prostora sa kojima je sklopljen Ugovor u skladu sa Odlukom o komunalnom redu, zauzimanje javnih površina i efekti sklopljenih ugovora sa pojedinačnim korisnicima,

-šta je poduzeto protiv eventualnih neplatiša na koja glase Rješenja ili sklopljeni ugovori.

Na temelju provedene rasprave dat je **Prijedlog da nadležna Služba za narednu sjednicu OV pripremi odgovore sa podacima i da svi vijećnici dobiju odgovor u materijalima za sjednicu.**

Nakon izjašnjavanja, konstatovano je **da je Prijedlog jednoglasno usvojen.**

4. Vijećnica Jelena Zlobec predlaže Općinskom načelniku da razmotri mogućnost da sredstva koja su prikupljena za nabavku ultrazvuka budu usmjerena za liječenje Zec Emira, nakon sprovedene ankete ljudi koji su donirali sredstva.
5. Predsjedavajući OV izvijestio je OV o Prijedlogu Kolegija OV, kojim **predlaže Općinskom vijeću da donese Zaključak kojim obavezuje Općinskog načelnika i Centar za socijalni rad Vareš, da utvrde zakonsku mogućnost formiranja fondacije koja bi različitim aktivnostima na sasvim transparentan način prikupljala sredstva za pomoć našim sugrađanima čije se liječenje ne može obaviti u okvirima BiH, nego bi se morala obaviti vani i koja bi na sasvim transparentan način vršila i raspodjelu tih sredstava.**

Nakon izjašnjavanja konstatovano je **da je Zaključak jednoglasno usvojen.**

6. Vijećnik Elvir Rožajac traži od Općinskog načelnika da sugeriše nadležnim službama da se izvrši uviđaj na mostu u Ul. Rudarska. Na mostu je oštećena ograda i ugrožena je sigurnost prolaznika.

7. Vijećnik Mato Pavić traži od Općinskog vijeća da donese **Zaključak da se obaveže Općinski načelnik da putem Općinske službe podnese Zahtjev kantonalnom ministarstvu koje je nadležno za puteve, da se izvrši nadzor na dijelu puta od Ponikve do Krivaje i da se utvrdi tačno kakvu su štetu učinili oni što sijeku šumu.**

Nakon izjašnjavanja konstatovano je **da je Zaključak jednoglasno usvojen.**

Sjednica je završena u 14 sati i 30 minuta.

S E K R E T A R

Leon Pavlović

PREDSJEDAVAJUĆI

Josip Malbašić

ZAPISNIČAR

Azra Ibrahimović